

叢譚

沉鐵網者不遺枝蒐元圃者不餘屑英英寶氣自堪騰上非徒取者之貪也鄱自秦建邑年餘二千正史而外時見裨官雖不皆為典要而軼事詹言亦資博雅故遺既拾矣更輯叢譚子陵買菜之誚所不敢辭

王伯山鄱陽人廢帝光大元年鎮東將軍兼揚州刺史領越州太守時山陰賀德仁與從兄德基師事周弘正有重名人為語曰學行可師賀德基文質彬彬賀德仁兄弟八人時比漢荀氏伯山為改所居甘湧里為高陽後持節督東陽豐二州

唐書賀德仁傳

鄱陽縣志

卷二十

叢譚

范文正公守饒州日有書生甚貧自言平生未嘗一飽時盛行歐陽率更書薦福寺碑墨本直千錢為具紙墨打千本使售於京師紙墨已具一夕雷擊碎其碑時語曰有客打碑來薦福無人騎鶴上揚州東坡作窮措大詩曰一夕雷轟薦福碑向使不擊碎書生享用其有窮乎於此益知吉慶避者非吉慶避之其福德淺薄自不能與吉慶會也讚曰淑慝以類吉凶在人譬如儀鳳不棲棘荆虺蜴之窟豈產珠珍水雪凝沍寒谷不春一氣所感當識其因

鄱陽

遺事錄

長沙王廼吳王芮也東漢建安十五年吳大帝時張昭等

議以豫章土廣人繁請分置廬陵鄱陽二郡初治部故城後徙吳芮即今所治立長沙廟貌得非緣於此哉且饒之為國殆千餘年而廟不立公之守饒始建焉然公之窮古尚德好賢樂善之心豈尋常人也今攷諸碑而刻其傳贊以歲月列公之名銜復命提點鑄錢魏兼篆額且使賢令嗣監簿純佑書公之遺跡尤足矜後人也

鄱陽遺事錄

寶福侯乃漢之樊噲也舊廟於芝山之頂曰鹿頭大王公守饒凡民間旱即禱於此神頗有驗應今之廟地公之所徙也州民邵都院者卜其地置生墳公一日入院詰其故乃曰五十年後當出侯伯不得鬻於人於是令移鹿頭廟

鄱陽縣志

卷二十

叢譚

二

屋於此復移文於僧寺暨元豐庚申太守馮淵以久不雨因禱於神而霧霏霑足遂狀其感應而奏之乞加旌獎朝廷下大常封為寶福侯淵之奏陳且道公之請兩有功修飾廟貌迄今血食以景祐迄元豐恰五十年公之先知誠可尚也後之人凡入寺見其廟必指之曰范文正公之遷而五十年出侯伯處也

同上

饒之山水大率秀拔有豪傑者出焉公之至識其形勝一日乃曰妙果禪院一塔高峙當城之東南屹起千餘尺饒之文章應也城之下瞰數湖水脈連秀抑為儒者滋顯也於是名其塔為文筆峰目其湖為硯池且曰二十年後當

出狀元治平乙巳州人彭尚書汝礪果第一人及第公之
沉幾遠識良足書也 同上

彭汝礪送張子固詩序云大理寺致仕德與張公偕先皇
考執友予十六七時從其子正父季友學明叔禮遇予厚
明叔子子固娶予作賀客畢席復入宴予時善飲寺丞公
取大白觴予厥容一升戲曰能復飲子魁天下曰能連三
引皆空客皆大笑樂甚予後忝竊公笑曰長者言果信

錢尚書適為洪州職官緣事過鄱陽見彭罷資值月朔有
衣冠數十輩來見彭公設拜各人進問起居而退錢在書
齋中窺見甚訝之因問公此輩何人公曰皆鄉里後進子

鄱陽縣志

卷二十

叢譚

三

弟也錢曰今他處後進必居於位或與先生並行何以有
此彭公曰昔范希文自京尹謫守是邦其為政以崇名教
厚風俗敦尚風義為先州人仰慕咸傾嚮之遂以孝弟自
任而不敢忽久之不變也此大賢臨政之效可以為法
文正外集

鄱陽學在城外東湖之北相傳以為范文正公作郡守時
所創余考國史范公以景祐三年乙亥歲四月知饒州四
年十二月詔自今須藩鎮乃得立學他州勿聽是月范公
移潤州余襄公集有饒州新建州學記實起於慶歷五年
乙酉歲其郡守曰都官員外郎張君其略云先是郡先聖

祠宮棟宇褻剝前守亦嘗相土而未遑締治於是即其基於東湖之北偏而經營之浮梁人金君鄉郎中作郡學莊田記云慶歷四年春詔郡國立學時守都官副郎張侯譚始營之明年學成與余公記合范公在饒時延君鄉置其舍使公有意建學記中豈無一言及之蓋是時公既為執政去郡十年矣所謂前守相土者不知為何人洪容齋隨筆彭器資尚書文集有送許屯田詩曰浮梁巧燒薺顏色比瓊玖因官射利疾衆喜君猶不父老爭歎息此事古未有注云浮梁父老言自來作知縣不買薺器者一人君是也作饒州不買者今程少卿嗣宗是也惜乎不載許君之名

鄱陽縣志

卷二十

叢譚

四

同上

亡友向巨源自少能作詩予初識之於梁宏夫座上未深知之也是日偕二友從吳傅朋遊芝山登五老亭以駕言出游分韻賦詩巨源得駕字其詩云茲山何巍巍氣欲等高華從公二三子勝日飽閒暇躋攀謝亭興自辦兩不借捫蘿覓幽墜行椒得孤榭側送夕陽移俯視高鳥下登臨記曩昔歲月驚代謝却數一周星復命千里駕身從泛梗流事與浮雲化竭來共一尊似為天所赦明發還問塗合離足悲吒詩成觀者皆服傅朋游絲詩卷數百篇巨源獨不深嘆美之頗記其數句曰先生著名節百世追延陵我

評先生賢不以能詩稱功成磨蒼崖盛德頌日昇勿書凌雲榜華顛踏高層句格超峻其旨皆有規諷後哀集其生平所作數千篇目為葵齋雜橐倩予為序時予在章貢及序成持寄之則已卧病僅能於枕上一讀而已巨源初見韓子蒼得一詩曰老子真祠地君來覓紙題文如士衡俊年與正平齊聞說鍾陵郡官居章水西涪翁詩律在佳處可時攜而韓集佚不收但見序中耳

洪容齋三筆

饒州良牧自吳至今以政蹟著者有九賢郡圃立祠以祀此外知名者蓋鮮白樂天集有吳府君碑云君諱丹字真存以進士第入官讀書數千卷著文數萬言生四五歲所

鄱陽縣志

卷二十

叢譚

五

作戲輒象道家法事既冠喜道書奉真籙每專氣入靜不粒食者數歲飄然有出世心既壯在家為長屬有三幼弟八稚姪不忍見其飢寒慨然有干祿意求名得名家無長物澹乎自處壽八十二無室家累無子孫憂終於饒州官次吳在饒雖無遺事可紀然年過八十尚領郡符又非為妻子計者良不可曉唐之治不播棄黎老故其居職不自以為過云

同上

饒州紫極觀有唐鐘一口形製清堅非近世工鑄可比刻銘其上曰天寶九載歲次庚寅二月庚申朔十五日癸酉造通直郎監察御史貶樂平員外尉李逢年銘前鄉貢進

士薛彥偉述序給事郎行參軍趙從一書中大夫使持節
鄱陽郡諸軍事檢校鄱陽郡太守天水郡開國公上官經
野妻扶風郡君帝氏奉為開元天地大寶聖文神武應道
皇帝敬造洪鐘一口其後列錄事參軍司功司法司士參
軍各一人司戶參軍二人參軍二人錄事一人鄱陽縣令
一人尉二人又專檢校官鄱陽縣丞宋守靜專檢校內供
奉道士王朝隱又道士七人銘文亦雅潔字畫不俗但月
朔庚申則癸酉當是十四日鑄之金石而誤如此浮洲開
福院亦有吳武義年一鐘然非此比也 同上

周益公洪容齋嘗侍壽皇宴因談肴核上問容齋鄉鄉里

鄱陽縣志

卷二十

叢譚

六

所產容齋鄱陽人對曰沙地馬蹄鼈雪天牛尾狸又問益
公公廬陵人對曰金柑玉版筍銀杏水精慈上為之吟賞
豫章詩話

說文字原一冊元周伯琦著伯琦字伯溫聞之前輩言元
至正間初改奎章閣為宣文朝臣咸謂必命夔夔書榜是
時伯溫雖在館閣精篆書而未為上所知夔夔日令篆書宣
文閣榜十數紙周不識其意一日有旨命夔夔書宣文閣榜
夔夔言臣所能真書非古古莫如篆朝廷宣文閣用篆書
為得體周伯溫篆書今世無過之者上如其言召伯溫書
下筆稱旨由是益見進用前輩臨事明於大體而不自取

其功與引拔人材委曲成就之如此 楊東里集

六書正譌一冊元鄱陽周伯琦著伯琦翰林侍制南翁之子官至江浙行省左丞元之士大夫以篆書名者皆推伯琦所著又有說文字原其自序云字原以序制作之全正譌以刊傳寫之謬非獨攻篆之家所不可無使學者得明古人作字之本意而不眩於俗不為無助云 同上

元季周克復之官山東道過廣德值盜起妻子奔竄有女甫八歲背母失所向天下既定亦聲跡不聞洪武間鄱商人往來於濡者告曰公女曩以兵革流濡幸故契張元弼氏擇嫁許明道生子三人元弼且訓以孝傳女則克家有

鄱陽縣志

卷二十

叢譚

七

成立克復驚駭悲惻久之已卯秋二甥彥升某竟走鄱迎養焉克復且愕且喜詢其母年已四十有七明道早卒以節自勵明日鄉里媼故交賀克復益少自慰已而與偕往焉父子相去數十年有死生之隔感慨流連道說故舊聞者莫不異而悲越踰年還鄱 出張宇初孝節堂記

府學基古報恩寺即今天寧寺也元時寺僧游湘蜀間抄化巨木創治之紺宇雄偉但未設佛像耳大明兵至凡丈廟不毀僧借宣聖牌位置殿中得免後生徒遂以為郡庠既而奏取者三而克戎者二此可見聖祖崇儒重道之盛事也宣德中有僧書對於方丈云萬間廣廈歸寒士一榻

閒雲卧老僧有士人竟以文字易寒字云 中洲野錄

明燕王入南京城中紛傳建文帝自焚死鄱陽胡大理卿
閏與方公孝孺高公翔三人同被名皆衰服入見觸怒九
族瓜蔓抄戮最慘烈黨禁解後親族戍衛者始得赦還萬
歷改元有詔靖難死節諸臣皆建祠表墓厚加卹錄十三
年又以御史屠方叔奏奉旨表揚忠烈檄下本郡懸榜於
邑之大門是日大風忽起揭榜直上數十丈盤旋天際如
素鸞翔舞以以不下自午迄申始墮仍落邑之墀中郡人
觀者以千萬計邑令程朝京紀其事嗚呼自成祖迄於神
宗二百餘年而以鬱忠魂始得復伸其遺烈所感尚能假
鄱陽縣志

卷二十

叢譚

八

靈風伯以大表其英颺浩氣於中衢萬目天晶日朗之間
一升一墮若有人焉上且下之豈不異哉 徐芳懸榻編

書目

古今載籍極博其傳與不傳殆有數焉存乎其間郡邑自唐吉倉部以詩名大歷其他高文典冊傳世行遠者舊有十一家乃若遭時不偶之士茹古今揚風托雅生平遺集非不卓卓可傳也然人代遷流風聲衰謝傳于世者半不傳於世者殆不止於半矣茲為攷其名標其目庶使後來者得以見作者于殘編振文采于奕世云爾

晉

長沙公集二卷 陶侃著

鄱陽縣志

卷二十

書目

九

唐

吉侍郎集

吉中孚著

宋

易義十卷伏羲卦畫圖一卷乾生歸一圖宋詩義二十

卷鄱陽集五十卷 彭汝礪著

文集奏議共八十卷 熊本著

陶氏譜一卷 陶直夫著

白石老人集三卷詞五卷絳帖平二十卷姜氏詩話續

書譜送人歌曲一冊 姜夔著

刑鑑兵鑑 董聲應著

蛙吹集 余季倫著

學餘集 彭克紹著

東窓集四十卷 張彥實著

易足居士自鳴集十五卷 章甫著

野人集 王茂先著 近情詞一卷 王仲可著

革象新書 趙緣督著 番江集二冊 袁廣微著

元

芳洲詩集 黎廷瑞著

程朱易傳本義折衷月灣詩集巴歛襟咏樂庵遺稿一

冊 吳存著

忠史一卷 楊元著 元詩傳微 陳煥著

拙齋集 周應極著

鄱陽縣志 卷二十 書目 十

師友集一冊東澤綺語 張伯雨著

說文字原一冊六書正譌二冊官箴一冊近光扈從集

三卷宋鑑續編通鑑總類致用齋稿 周伯琦著

寓菴集 葉蘭著 溪香集 釋正則著

明

清華集 劉琮玉著 澹湖集十卷 徐素著

春雨軒詩集 劉彥昂著

篆韻集鈔 劉彥振著

易經發明詩經詳釋四書釋要 何英著

文翰類選大成 淮康王編 命長史李伯與輯

編刻詩 淮莊王輯

性書三卷 訥齋集續彙經世大訓游藝至論 余祐著

枕肱集二十卷 清風亭稿海岳涓埃論蜀稿等邊錄 童

軒著

草堂集 邱霽著

羣英雜言 王釐

雅頌正音 又名臺閣遺踪 順成集 王琛著

劉仔有著

煮雪稿 朱智著 芝山集 舒子真著

稼軒集 黃晟著 駒陰冗記 閻莊著

堯峯詩集 歐陽杲著 楓落稿 俞璠著

哲亭集亭湖稿 劉錄著 憲章正錄 劉瀚著

鄱陽縣志 卷二十 書目 十一

邊關圖說二卷 劉昌鎮著 遊宦紀聞 張世南著

中洲楚錄饒志摘詠詩稿 程文憲著

花月僊鄉記 李榕著 文政管窺 閔桓著

歲寒集 孟常著 白下紀聞 史秉中著

胡補闕英風紀異 史桂芳纂江和重刊 國朝程郡守

惺堂集十卷 史桂芳著 晉齋遺集 姜金和著

燕夢堂集四十卷 江和著 篆韵輯解五卷 鄭鼎臣編

芝陽集 劉應麒著 臥雲閣詩一卷 劉文莊著

匡主樓詩一卷 姜之浩著 大賓遺集 董大賓著

猊嶠集六卷 江南錦著 帶湖草 江實卿著

弗告亭稿 陳之可著

易經明解 李如玉輯

俞俞軒詩一卷 劉焯著

春草浪吟集 劉美煥著

澹蕩人集 史稽古著

江州集瀛海紀事有獲堂詩稿難後草僑翁詩鈔 史乘古著

易辰六卷 賀登選著 閨圃芳踪 李機著

書經旨要六卷意芝堂稿芝郡文獻錄六十卷鄒陽五

先生集十六卷 史簡編著

醋甕吟遺編 程亘著 偏墅齋遺稿 程汝成著

厚本清源集 廉靖著 三餘紀事 劉麒著

女教經 宗女隆姬著

鄒陽縣志

卷二十

書目

十一

國朝

書種園稿 陳曾著

怡虛集 程四連著

荒遜齋文集詩集詩餘雜著又輯二傳合畧人文觀觀

象翫占 史白著

安節先生集 王順乾著 知非草 周邦棟著

讀史質疑戊丙樵書 胡衮著 文集二卷 陳鯁著

梧垣奏議善惡明徵 史彪古著

十三經源流二卷禮經大義十七卷史學會編十九卷

質疑畧二卷漕運瑣錄一卷 王言綸編著

書經集解十二卷 徐澄著 易經解就正畧 戴記著

萍莊集二卷湖上草堂集二卷石壁山房稿四卷滌硯齋四卷蛙吹詞二卷律陶雜詩一卷浪遊草二卷覆甌草二卷

程建章著

刪後詩焚後詩歸田錄藏書五種閒書十五種詩說龜書元契

程作舟著

魏峯集燕遊草

徐人元著

璞菴集

周道興著

侗齋濫墨侗齋集三卷

史同人著

夢花閣詩稿

閔華著

四書聚精讀史隨筆

史詢著

周禮疑誤辨大禮圖解鐵翁文集嫌劍吟詩集弧矢算

法史大壯著

詩文彙稿

閔汶著

鄱陽縣志

卷二十

書目

十三

即僊樓詩集

余日煌著

染月堂詩稿

史傳祚著

唾珠樓存稿二卷

王大壩著

學吟編

王大垠著

